



al-Burhān

JOURNAL OF QUR'ĀN AND SUNNAH STUDIES

VOLUME 4, NUMBER 1, FEBRUARY 2020



INTERNATIONAL ISLAMIC UNIVERSITY MALAYSIA

eISSN: 2600-8386



al-Burhān

Journal of Qur'ān and Sunnah Studies
Kulliyah of Islamic Revealed Knowledge and Human Sciences

Volume 4

1441 H/2020 M

Issue 1

Editor-in-Chief

Assoc. Prof. Dr. Sohirin Solihin

Associate Editor

Asst. Prof. Dr. Khairil Husaini Bin Jamil

Guest Editor (Arabic)

Prof. Dr. Mohammed Abullais Shamsuddin

Editorial Board

Assoc. Prof. Dr. Ammar Fadzil, IIUM
(ammar@iium.edu.my)

Asst. Prof. Dr. Haziyah Hussin, UKM
(haziyah@ukm.edu.my)

Asst. Prof. Dr. Monika @ Munirah Binti Abd Razzak, UM
(munirahar@um.edu.my)

Asst. Prof. Dr. Muhammad Farid Ali al-Fijawi, IIUM
(abumariyah@iium.edu.my)

Asst. Prof. Dr. Muhammad Fawwaz Muhammad Yusoff, USIM
(fawwaz@usim.edu.my)

Asst. Prof. Dr. Nadzrah Ahmad, IIUM
(anadzrah@iium.edu.my)

Asst. Prof. Dr. Zunaidah Mohd. Marzuki, IIUM
(zunaidah@iium.edu.my)

Advisory Board

Prof. Dr. Muhammad A. S. Abdel Haleem, SOAS, University of London.
Prof. Dato' Dr. Mohd Yakub @ Zulkifli Bin Mohd Yusoff, University of Malaya.
Prof. Dr. Awad al-Khalaf, University of Sharjah, United Arab Emirates.

© 2020 IIUM Press, International Islamic University Malaysia. All rights reserved.

ISSN 2600-8386

Correspondence

Managing Editor, *al-Burhān*
Research Management Centre, RMC
International Islamic University Malaysia
P.O Box 10, 50728 Kuala Lumpur, Malaysia
Tel: (603) 6196-5541/6126 Fax: (603) 6196-4863
E-mail: alburhan@iium.edu.my
Website:
<https://journals.iium.edu.my/al-burhan/index.php/al-burhan>

Published by:

IIUM Press, International Islamic University Malaysia
P.O. Box 10, 50728 Kuala Lumpur, Malaysia
Phone (+603) 6196-5014, Fax: (+603) 6196-6298
Website: <http://www.iium.edu.my/office/iiumpress>

Living Sunnah Menurut Fazlur Rahman: Satu Sorotan Literatur Secara Sistematis *Living Sunnah* According to Fazlur Rahman: A Systematic Literature Review

Norsaleha Mohd. Salleh*, Abur Hamdi Usman**, Rosni Wazir***, Lilly Suzana Hj Shamsu****, Nurul Ain Burhanuddin*****.

Abstrak: *Living Sunnah* adalah satu konsep yang diperkenalkan oleh Fazlur Rahman, seorang tokoh pemikir yang berasal daripada Pakistan. Pada awalnya, istilah ini disebut sebagai *Living Tradition* yang diperkenalkan oleh Joseph Schacht seorang orientalis. Beliau mendefinisikannya sebagai satu tradisi di Tanah Arab yang didakwa oleh para sarjana muslim sebagai sunnah Rasulullah SAW. Dakwaan ini diteruskan oleh Fazlur Rahman dengan mengistilahkan ia sebagai *Living Sunnah* yang merujuk kepada amalan ahli Madinah sebelum kedatangan Rasulullah SAW. Apabila Baginda SAW datang, ia berubah menjadi amalan sunnah. Artikel ini merupakan satu tinjauan literatur bersistematik berkaitan *Living Sunnah* menurut Fazlur Rahman. Metodologi kajian menggunakan kaedah sorotan literatur bersistematik disusun hasil daripada himpunan jurnal yang mempunyai hubungkait dengan kajian. Hasil dapatan menunjukkan Fazlur Rahman mempunyai pandangan yang hampir sama dengan Joseph Scacht bahawa hadis tidak sepenuhnya datang daripada Rasulullah SAW sebaliknya adalah hasil proses kreatif para ulama dalam menyampaikan dakwah. Fazlur Rahman mentafsirkan *Living Sunnah* sebagai amalan tradisi masyarakat Madinah yang ditafsirkan sunnah selepas kedatangan Rasulullah SAW. Pendapat ini tidak sama dengan pandangan ulama Islam lain yang menyandarkan sunnah kepada Rasulullah SAW samada melalui perbuatan, percakapan, taqir mahupun sifat fizikal dan rohani Baginda SAW.

Frasa dan Kata Kunci: Fazlur Rahman, Living Sunnah, Sorotan Literatur, Orientalis, Rasulullah.

Abstract: The *Living Sunnah* is a concept introduced by Fazlur Rahman, a Pakistani thinker. Originally, the term was called the *Living Tradition* introduced by Joseph Schacht an orientalist. He defined it as a tradition in the Arabs that Muslim scholars claim to be the Sunnah of the Messenger of Allah. This claim was continued by Fazlur Rahman by calling it the Living Sunnah which refers to the practice of members of Medina before the arrival of the Messenger of Allah. When His Majesty came, it became a practice of sunnah. This article is a systematic literature review of the *Living Sunnah* by Fazlur Rahman. The methodology of the study using the systematic literature highlighting method was compiled as a result of a collection of journals related to the study. The findings show that Fazlur Rahman has a similar view to Joseph Schacht that the hadith does not come entirely from the Messenger of Allah but is the result of the creative process of the scholars in delivering the preaching. Fazlur Rahman interpreted the *Living Sunnah* as a tradition of the people of Medina traditionally interpreted by the Sunnah after the arrival of the Messenger of Allah. This opinion is not the same as the views of other Muslim scholars who have ascribed the Sunnah to the Messenger of Allah (may peace be upon him) through his actions, conversation, *taqrīr*, and physical and spiritual nature.

* *Corresponding author.* Kolej Universiti Islam Antarabangsa Selangor, Malaysia. Email: norsaleha@kuis.edu.my

** Kolej Universiti Islam Antarabangsa Selangor, Malaysia.

*** Kolej Universiti Islam Antarabangsa Selangor, Malaysia.

**** Universiti Islam Sultan Sharif Ali, Negara Brunei Darussalam

***** Kolej Universiti Islam Antarabangsa Selangor, Malaysia.

Pendahuluan

Hadis adalah sumber kedua dalam pensyariat Islam selepas al-Quran. Ia telah pun disepakati oleh umat Islam sepanjang zaman. Dalam tradisi keilmuan Islam, metodologi tafsir al-Quran lebih berkembang secara pesat berbanding metodologi penggunaan hadis. Seharusnya dalam bidang hadis perlu ada yang membangunkan satu metodologi baru dalam bidang hadis sehingga mampu mengikuti arus peredaran zaman tanpa melampaui batasan syariat Islam itu sendiri. Salah seorang tokoh yang telah membuka satu gagasan baru dalam bidang hadis ialah seorang tokoh pemikir kontemporari yang bernama Fazlur Rahman.

Pemikiran Fazlur Rahman dalam bidang hadis terbentuk apabila berlaku satu kontroversi berkaitan dengan hadis di Pakistan (Farida, 2015). Dalam masa yang sama, pemikiran Fazlur Rahman turut terdorong di atas kemunculan umat Islam yang dilihat cenderung menutup pintu ijtihad serta golongan orientalis mempunyai percanggahan terhadap makna hadis (Hujair, 2006). Oleh itu, Fazlur Rahman mengambil pendekatan dengan mengeluarkan beberapa hasil pemikirannya yang mampu mengharmonikan hadis menggunakan konsep *living sunnah*.

Sumbangan pemikiran Fazlur Rahman antaranya menerusi karyanya yang paling dikenali iaitu "*Islamic Methodology in History*" yang diterjemahkan dalam bahasa Indonesia "*Membuka Pintu Ijtihad*". Hasil karyanya ini lebih menonjolkan perbincangan konsep hadis dan sunnah serta kemajuan dan kemunduran masyarakat Islam. Oleh yang demikian, artikel ini akan membahaskan berkaitan bagaimana pemahaman Fazlur Rahman terhadap konsep *Living Sunnah* menggunakan kaedah sorotan literatur secara sistematik dari aspek latar belakang; latar belakang pemikiran; metodologi kajian, dapatan dan perbincangan, analisis kajian dan berakhir dengan kesimpulan.

Tujuan Kajian

Tujuan kajian adalah untuk mengenalpasti konsep *Living Sunnah* yang difahami oleh Fazlur Rahman. Kajian ini membuka satu ruang ilmu yang baru dalam memberi pendedahan kepada masyarakat terhadap pemikiran yang dibawa oleh Fazlur Rahman. Maka satu penelitian awal berkaitan definisi sunnah dan terminologi *Living Sunnah* menurut Fazlur Rahman akan dibincangkan di dalam kertas kerja ini.

Metodologi Kajian


Penggunaan metodologi penyelidikan dalam menghasilkan kajian bersifat ilmiah sangat penting. Suatu penyelidikan bermutu tinggi apabila metode yang digunakan tepat dan sesuai dengan objek dan tujuannya. Fink (1998), menyatakan bahawa sorotan kajian lepas adalah suatu penelitian yang sistematik dan jelas untuk mengenali, menilai dan mentafsir hasil-hasil penulisan oleh penyelidik, para sarjana dan juga pengamal dalam bidang berkaitan dengan permasalahan yang hendak dikaji. Penelitian ini perlu dicatat dengan sistematik dan boleh dirujuk dengan mudah apabila diperlukan kemudian.

Kajian ini menggunakan kaedah tinjauan literatur sistematik. Mengaplikasikan carian yang sistematik untuk mengenal pasti konsep pemikiran Fazlur Rahman yang sebenar. Carian

memfokuskan instrumen yang melibatkan aspek pemikiran, falsafah dan metodologi. Metode dokumentasi adalah metodologi yang digunakan sewaktu menjalankan kajian ini. Blanche & Durheim (1999), mengatakan bahawa tujuan utama menyoroti kajian lepas ialah bagi memahami masalah yang akan dikaji dan mengenalpasti kelemahan yang ada dalam kefahaman terhadap masalah itu. Maka metode dokumentasi dengan cara pengumpulan data dengan mengadakan penelitian dokumen yang mempunyai hubungan dengan masalah yang diselidiki. Dokumen boleh berupa bahan bertulisan tangan atau yang bercetak yang melaporkan sesuatu peristiwa. Dokumen yang telah diteliti kebanyakan tulisan dalam buku-buku, bahan-bahan cetakan artikel jurnal dan lain-lain yang berkaitan kajian.

Strategi Pencarian

Pencarian dilakukan dengan menggunakan terma pencarian yang khusus menggunakan terma Bahasa Melayu iaitu “*bersistematik*”, “*rasulullah*”, “*metodologi*”, “*fazlur rahman*”, dan “*sunnah*”. Kombinasi terma di atas dilakukan dengan mengehendkan tahun penerbitan dalam tempoh 15 tahun sahaja iaitu penggunaan dokumen dari tahun 2005 sehingga tahun 2017. Pangkalan data yang digunakan ialah ResearchGate, Academia, Google Scholar serta web pangkalan data Universiti Awam di seluruh Malaysia dan di Indonesia seperti E-Journal IAIN Tulungagung, Holistic al-Hadis, ADDIN Journal. Tajuk dan abstrak diteliti dengan berhati-hati untuk mengenal pasti hanya yang berkaitan dengan pemikiran, falsafah dan metodologi Fazlur Rahman berkaitan pemikirannya terhadap konsep *Living Sunnah* sahaja dengan mengecualikan perkara selain daripada kajian penyelidikan ini. Bagi membantu mendapatkan maklumat penuh tentang sesuatu maklumat, penggunaan pangkalan data *Google Search Engine* dengan memasukkan nama tokoh pemikir dan akronim setiap perkataan kajian yang dikenal pasti.



Rajah 2: Carian Primitif

Rajah 2 memaparkan kajian ini menggunakan metode tinjauan literatur sistematik yang merangkumi penulis kajian beserta tahun penerbitan, latar belakang, perbincangan, metodologi dan dapatan kajian merujuk kepada rujukan sorotan literatur. Kaedah ini mengaplikasikan

carian yang sistematik untuk mengenalpasti konsep *Living Sunnah* yang dibawa oleh Fazlur Rahman. Susunan jurnal yang dipilih adalah mengikut tahun terkini sehingga yang terdahulu mengikut limitasi tahun yang telah ditetapkan iaitu tempoh 2017 hingga 2005. Dengan carian “Fazlur Rahman” berkaitan “*living sunnah*” sebanyak 1,490 jumlah carian dokumen yang berkaitan dengan kajian, terdapat 20 jumlah dokumen setelah diperiksa dengan teliti mempunyai hubungkait dengan objektif kajian, tetapi hanya 11 jumlah dokumen sahaja diterima untuk dianalisis di dalam prinsip matrik sorotan sistematik literatur atau *systematic literature review* (SLR).

Dapatan Kajian

Sebanyak 11 artikel telah didapati mempunyai kaitan dengan kajian *Living Sunnah*. Dapatan yang diperolehi telah diringkaskan secara bersistematik seperti Jadual 1:

Jadual 1:

Sorotan Literatur Secara Sistematik Konsep *Living Hadith* Menurut Fazlur Rahman

Kajian	Latar Belakang	Perbincangan	Metodologi	Dapatan
Aziz, 2017	Pemikiran Fazlur Rahman Tentang Filsafat Pendidikan Dalam Islam	Biografi, Pemikiran Fazlur Rahman dalam pendidikan Islam	Kualitatif Analisis dokumen	Fazlur Rahman mempunyai pengamatan sendiri dalam mengikuti perkembangan pendidikan Islam dari sudut sikap pengetahuan, tujuan pendidikan, sistem pendidikan, pelajar dan pendidik.
Budi, 2016	Tawaran Metodologi Fazlur Rahman Dalam Teologi Islam	Biografi, Epistemologi pemikiran, Metodologi Fazlur Rahman dalam teologi Islam	Kualitatif Analisis dokumen	Mengetengahkan tentang perlunya metodologi baru dalam memahami teologi berdasarkan 4 prinsip; al-Quran, Sunnah, Ijtihad dan Ijma'. Analisis teologi Islam menggunakan pendekatan kritik sejarah pemikiran dan penafsiran al-Quran secara sistematik dapat menghidupkan kembali Ijtihad.
Rohmana, 2015	Pendekatan Antropologi Dalam Studi Living Hadis Di Indonesia: Sebuah Kajian Awal	Kajian Living Hadis di Indonesia	Kualitatif Analisis dokumen	Rahman antara sarjana yang membincangkan tentang living hadis sekitar tahun 1962. Hadis terbentuk selepas adanya sunnah dan merupakan refleksi dan dokumentasi perbuatan “sunnah yang hidup” dalam masyarakat sehingga hadis seiring dengan sunnah. Pembentukan sunnah yang hidup pada awal pembentukan Islam berada di kawasan yang luas, maka living hadis itu dikaji dengan adanya tradisi pada sesebuah masyarakat berdasarkan pada teks hadis yang dijadikan panduan.

Kajian	Latar Belakang	Perbincangan	Metodologi	Dapatan
Surya dilaga, 2014	Pembacaan Hadis Dalam Perspektif Antropologi	Tinjauan literatur, Pembacaan hadis menurut perspektif antropologi	Kualitatif Analisis dokumen	Fazlur Rahman pengasas terma living sunnah. Turut diistilahkan sebagai <i>prophetic sunnah</i> (warisan dari perbuatan Nabi). Turut dikaitkan bersama Fatimah Mernissi yang mengkaji hadis misoginis.
Fatah, 2013	Penolakan Fazlur Rahman terhadap hadis teknis pada hukum keperdataan.	Fazlur Rahman dan karya pemikirannya, pengertian tentang hadis teknikal, Amalan masyarakat dan pengaruhnya dalam hadis-hadis hukum, Sebab dan alasan penolakan Fazlur Rahman terhadap hadis-hadis teknikal, Contoh hadis teknikal dan undang-undang sivil	Kualitatif Analisis dokumen	Penolakan Rahman atas hadis-hadis teknikal berdasarkan pada pandangannya tentang konsep sunnah yang didefinisikan sebagai “sunnah yang hidup” (<i>living tradition</i>) Sunnah mengandungi tiga kategori; 1. Sunnah ideal iaitu sunnah tradisi praktikal dan hadis verbal. 2. <i>Living tradition</i> (tradisi yang hidup) iaitu sunnah yang ideal yang mengalami penafsiran sehingga menjadi tradisi amalan. 3. Hadis yang disimpulkan melalui penafsiran. Namun demikian, pandangan ini ditolak oleh umat Islam di Pakistan tempat kelahiran Rahman sendiri. Hal ini kerana mereka beranggapan pandangan Rahman dianggap sebagai orang yang berfahaman liberal dan orientalis. Hadis hukum yang dibahaskan; 1. Hukum Riba 2. Hukum Poligami
Farida, 2013	Studi Pemikiran Fazlur Rahman Tentang Sunnah Dan Hadis	Latar belakang Fazlur Rahman, Latar belakang pemikiran Fazlur Rahman, Percanggahan makna sunnah-hadis menurut Fazlur Rahman, Pendekatan Fazlur Rahman terhadap hadis hukum, Fazlur Rahman dan hadis-hadis ramalan, Sumbangan pemikiran Fazlur Rahman dalam kajian hadis	Kualitatif Analisis dokumen	Pemikiran Rahman terbentuk oleh beberapa faktor; 1. Terjadinya kontroversi yang kritikal di Pakistan diantara golongan pemikiran moden, tradisional dan fundamentalis. Khilaf dalam memberi definisi “Islam” di Pakistan dengan tujuan agar umat Islam dapat hidup selaras dengan tuntutan Islam. 2. Sepanjang Rahman menetap di Barat, beliau memahami cabaran yang dihadapi oleh umat Islam pada zaman moden. 3. Menyandang jawatan penting sebagai Pengarah Institut Penyelidikan Islam dan ahli Lembaga Penasihat Ideologi Islam Pakistan

Kajian	Latar Belakang	Perbincangan	Metodologi	Dapatan
Fatah, 2012	Studi Pemikiran Fazlur Rahman Tentang Hadis-Hadis Prediktif Dan Teknis	Konsep hadis dan sunnah, Kuasa hadis dan sunnah, Kritik sanad dan matan hadis, Kriteria kesahihan hadis, Makna hadis ramalan, Jenis dan tanda hadis ramalan, Kritik, Makna hadis teknis, Alasan penolakan hadis teknis, Kritik hadis teknis	Kualitatif Analisis dokumen	Konsep Hadis dan Sunnah; Sunnah yang ideal adalah sunnah (tradisi praktis) dan hadis (tradisi lisan) yang wujud bersama dan mempunyai bahan yang sama. Keduanya didasarkan pada Nabi dengan memperoleh normatifnya 1. Living tradition, yang bermula dari sunnah yang ideal mengalami penafsiran sehingga ia menjadi amalan umat Islam. 2. Islam menggunakan dua sumber al-Quran dan hadis, tetapi pada masa kini umat pengaruh Barat. 3. Kesimpulan diambil dari dua konsep diatas. Itu berkaitan dengan isi konsep Sunnah itu sendiri, kerana tujuan konsep itu masih berkaitan dengan hubungan Nabi. Ini bererti bahawa dari hadis atau sunnah dalam bentuk amalan utama yang disimpulkan melalui tafsiran.
Abdullah, 2012	Fazlur Rahman	Life in Pakistan, Life in US	Kualitatif Analisis dokumen	Pengalaman Fazlur Rahman menggambarkan cabaran yang dihadapi oleh pembaharu dan modernis Islam. Setiap metodologi baru mentafsir teks suci perlu mengambil kira bukan hanya konteks sejarah, tetapi juga pendekatan intelek baru untuk memahami realiti.
Sahid, 2011	Sejarah Sunnah: Pemikiran Rahman	Evolusi Studi Fazlur Rahman	Sejarah ringkas Fazlur Rahman, Kegelisahan akademik Fazlur Rahman terhadap kajian Orientalis dan Ulama tentang Sunnah, Respons Fazlur Rahman terhadap validitas sunnah, Konsep Fazlur Rahman tentang sunnah sebagai amalan hidup.	Kualitatif Analisis dokumen Evolusi Sunnah: 1. Sunnah berevolusi secara historis dan merupakan konsep yang sah, bukan seperti yang dikatakan oleh kaum Orientalis. 2. Sunnah adalah amalan kehidupan, bukan sebagai amalan normatif. Sunnah boleh ditafsirkan dengan instrumen ijtihad mengikut keadaan.

Kajian	Latar Belakang	Perbincangan	Metodologi	Dapatan
Fitria, 2011	Komparasi Metodologis Konsep Sunnah Menurut Fazlur Rahman dan Muhammad Syahrur (Perspektif Hukum Islam)	Biografi ringkas: Rahman dan Syahrur, Tinjauan terhadap konsep Sunnah menurut Rahman dan Syahrur, Perbandingan metodologi	Kualitatif Analisis dokumen	Konsep Sunnah yang dipegang oleh kedua pemikir tersebut adalah 'liberal'. Rahman menyatakan bahawa hadis pada dasarnya tidak dapat dibuktikan secara teknikal berasal dari Nabi, tetapi tetap memegang konsep Sunnah sebenarnya telah ada sejak Islam wujud. Konsep sunnah Syahrur dilihat lebih "liberal" berbanding Rahman.
Hujair, 2006	Pemikiran Fazlur Rahman Tentang Metodologi Sunnah Dan Hadis [Kajian Buku Islamic Methodology in History]	Sekilas tentang Fazlur Rahman, Metode pendekatan, Pandangan tentang Sunnah dan Hadis, Temuan dan kritik Fazlur Rahman	Kualitatif Analisis dokumen	Masalah yang menjadi kegelisahan Rahman adalah; umat Islam mengalami krisis pemikiran akibat daripadametodologi sebagai titik pusat penyelesaian krisis intelektual Islam.

Berdasarkan Jadual 1: Sorotan literatur secara sistematik yang dipilih dan disusun mengikut tempoh pada tahun 2018-2006, sebanyak 11 jurnal sahaja yang bersesuaian dengan kajian penyelidikan. Didapati (72%) daripadanya telah membahaskan tentang latar belakang Fazlur Rahman bersamaan 8/11 jurnal yang memang menyentuh tentang biografi Fazlur Rahman secara terperinci iaitu; *Pemikiran Fazlur Rahman Tentang Filsafat Pendidikan Dalam Islam*, *Tawaran Metodologi Fazlur Rahman Dalam Teologi Islam*, *Penolakan Fazlur Rahman Terhadap Hadis Teknis Pada Hukum Keperdataan*, *Studi Pemikiran Fazlur Rahman Tentang Sunnah Dan Hadis*, *Fazlur Rahman, Sejarah Evolusi Sunnah: Studi Pemikiran Fazlur Rahman*, *Komparasi Metodologis Konsep Sunnah Menurut Fazlur Rahman dan Muhammad Syahrur (Perspektif Hukum Islam)* & *Pemikiran Fazlur Rahman Tentang Metodologi Sunnah Dan Hadis [Kajian Buku Islamic Methodology in History]*.

Fazlur Rahman merupakan pengasas kepada terma *Living Sunnah*. Juga diistilahkan sebagai *prophetic sunnah*, warisan dari perbuatan Nabi (Muhammad Alfatih Suryadilaga, 2014). Dalam kajian Suryadilaga (2014), beliau telah mengaitkan Fazlur Rahman bersama Fatimah Mernissi yang merupakan salah seorang feminis yang tegar dalam mengkaji hadis misogynis (Zubaidah, 2010). Menurut Vita Fitria (2011), dalam kajiannya "*Komparasi Metodologis Konsep Sunnah Menurut Fazlur Rahman dan Muhammad Syahrur (Perspektif Hukum Islam)*" dapatan yang diperolehi adalah Fazlur Rahman mempunyai fahaman liberal kerana berpendapat bahawa hadis pada dasarnya tidak berasal daripada nabi, dan masih berpegang dengan konsep sunnah telah wujud semenjak Islam ada lagi. Baginya lagi sunnah hanya sekadar penunjuk arah dan merupakan pemikiran kaum muslim terdahulu. Rahman telah menggunakan kaedah mengkritik matan melalui metode hermeneutik. Dua penulis artikel jurnal telah meletakkan Fazlur Rahman seiring dengan tokoh pemikir liberal yang lain. Namun begitu, tahap liberal Fazlur Rahman tidak sekuat pegangan kedua tokoh pemikir Fatimah Mernissi dan Muhammad Syahrur.

Menurut Hujair AH. Sanaky (2006), masalah yang menjadi kekusaran Rahman tentang sunnah adalah; umat Islam mengalami krisis metodologi sebagai punca penurunan pemikiran Islam ke masa depan, kerana menurut beliau metodologi sebagai titik pusat penyelesaian krisis intelektual Islam. Pada zaman sahabat, umat Islam menggunakan dua sumber al-Quran dan hadis, tetapi pada masa kini umat Islam lebih mengutamakan pemikiran akibat daripada pengaruh Barat. Rahman melihat kekeliruan terhadap konsep sunnah dalam kalangan sarjana Barat sendiri sehingga mereka menolak konsep sunnah. Rahman mencadangkan agar pemikir Islam perlu menjalankan keseluruhan dekonstruksi dan pembinaan semula warisan sejarah Islam dalam pelbagai aspek. Pengalaman Fazlur Rahman menggambarkan cabaran yang dihadapi oleh pembaharu dan modernis Islam. Setiap metodologi baru yang mentafsir teks suci perlu mengambil kira bukan hanya konteks sejarah, tetapi juga pendekatan intelek baru untuk memahami realiti (Abdul Karim Abdullah, 2012).

Latar belakang pemikiran Fazlur Rahman telah dibincangkan sebanyak (54%) bersamaan 4/11 jurnal yang menyentuh perbincangan secara terperinci iaitu; *Pemikiran Fazlur Rahman Tentang Filsafat Pendidikan Dalam Islam, Tawaran Metodologi Fazlur Rahman Dalam Teologi Islam, Penolakan Fazlur Rahman terhadap hadis teknis pada hukum keperdataan & Studi Pemikiran Fazlur Rahman Tentang Sunnah Dan Hadis*. Fazlur Rahman adalah tokoh yang berusaha menjelaskan secara akademik tentang hadis dan sunnah. Ia merupakan tindak balas kepada tentangan yang muncul dari kalangan para orientalis dan dari kalangan umat Islam sendiri. Dalam kajian Noor Aziz (2017) Fazlur Rahman mempunyai pengamatan sendiri dalam mengikuti perkembangan pendidikan Islam dari sudut sikap pengetahuan, tujuan pendidikan, sistem pendidikan, pelajar dan pendidik. Rahman juga mengetengahkan tentang keperluan metodologi baru dalam memahami teologi berdasarkan 4 prinsip; al-Quran, Sunnah, Ijtihad dan Ijma' (Budi Harianto, 2016). Analisis teologi Islam menggunakan pendekatan kritik sejarah pemikiran dan penafsiran al-Quran secara sistematik dapat menghidupkan kembali Ijtihad.

Menurut Abdul Fatah Idris (2013), Fazlur Rahman menolak hadis-hadis teknikal berdasarkan pandangannya tentang konsep sunnah yang didefinisikan sebagai “sunnah yang hidup” (*living tradition*). Sunnah mengandungi tiga kategori; sunnah ideal iaitu sunnah tradisi praktikal dan hadis verbal, living tradition (tradisi yang hidup) iaitu sunnah yang ideal yang mengalami penafsiran sehingga menjadi tradisi amalan, Hadith yang disimpulkan melalui penafsiran. Namun demikian, pandangan ini ditolak oleh umat Islam di Pakistan tempat kelahiran Rahman sendiri. Hal ini kerana mereka beranggapan pandangan Rahman dianggap sebagai orang yang berfahaman liberal dan orientalis. Hadis hukum yang dibahaskan; hukum riba dan hukum poligami.

Pemikiran Rahman terbentuk oleh beberapa faktor; Terjadinya kontroversi yang kritikal di Pakistan diantara golongan pemikiran moden, tradisionalis dan fundamentalis. Khilaf dalam memberi definisi “Islam” di Pakistan dengan tujuan agar umat Islam dapat hidup selaras dengan tuntutan Islam. Sepanjang Rahman menetap di Barat, beliau memahami cabaran yang dihadapi oleh umat Islam pada zaman moden. Menyandang jawatan penting sebagai Pengarah Institut Penyelidikan Islam dan ahli Lembaga Penasihat Ideologi Islam Pakistan (Ummu Farida, 2013). Rahman antara sarjana yang membincangkan tentang living hadis sekitar tahun 1962. Hadith terbentuk selepas adanya sunnah dan merupakan refleksi dan dokumentasi perbuatan “sunnah

yang hidup” dalam masyarakat sehingga hadis seiring dengan sunnah. Pembentukan sunnah yang hidup pada awal pembentukan Islam berada di kawasan yang luas, maka living hadith itu dikaji dengan adanya tradisi pada sesebuah masyarakat berdasarkan pada teks hadith yang dijadikan panduan (Rohmana, 2015).

Kajian Metcalf pada tahun 1993; Living hadis dalam Jemaah tabligh di India. Hasil kajian mendapati living hadis mempunyai dua makna iaitu; *live by hadith* dan *become living hadith*. Hadith dan Sunnah; Sunnah yang ideal adalah sunnah (tradisi praktikal) dan hadis (tradisi lisan) yang wujud bersama dan mempunyai bahan yang sama. Keduanya didasarkan pada Nabi dengan memperoleh normatifnya *living tradition*, yang bermula dari sunnah yang ideal mengalami penafsiran sehingga ia menjadi amalan umat Islam (Abdul Fatah Idris, 2012). Kajian oleh Sahid HM (2011), evolusi Sunnah terbahagi kepada dua iaitu; sunnah berevolusi secara historis dan merupakan konsep yang sah, bukan seperti yang dikatakan oleh kaum Orientalis dan sunnah adalah amalan kehidupan, bukan sebagai amalan normatif. Sunnah boleh ditafsirkan dengan instrumen ijtihad mengikut keadaan. Berdasarkan penelitian sorotan literatur sistematik ianya jelas menunjukkan tiada penyelidikan berkenaan konsep living hadith yang dibawa oleh Fazlur Rahman di lakukan secara khusus di Malaysia, ini kerana kesemua jurnal yang dirujuk adalah kajian dari Indonesia.

Perbincangan


a) Latar Belakang Fazlur Rahman

Fazlur Rahman boleh dikategorikan sebagai salah seorang tokoh pemikir kontemporari yang dikenali. Beliau sendiri berasal dari keluarga yang berpegang kuat dengan agama. Ayahnya (Maulana Sahab al-Din) seorang tokoh ulama tradisional yang sentiasa memberi didikan agamaan padanya. Usianya 10 tahun beliau telah menghafal Quran seluruhnya. Beberapa faktor utama dalam pembentukan karakter beliau adalah;

- * Ketekunan ayahnya dalam menerapkan ilmu agama sehingga beliau mampu menghadapi pelbagai peradaban dan tentangan zaman moden.
- * Menerima pengajaran dari ibunya tentang kejujuran, kasih sayang dan kecintaan sepenuh hati.
- * Dididik dalam keluarga yang bermazhab Hanafi (Aziz, 2017; Harianto, 2016).

Meskipun begitu, beliau bertindak untuk keluar daripada lingkungan agama yang bermazhab dan memilih untuk mengembangkan pemikirannya sendiri. Perjalanan hidup Fazlur Rahman disusun mengikut analisis (72%) bersamaan 8 jurnal yang disusun mengikut tahun seperti dalam Rajah 1:

Rajah 1: Perjalanan Hidup Fazlur Rahman



1968/1969	1988	
Dipaksa keluar dari Pakistan. Kemudian Rahman berhijrah ke Barat dan diterima untuk menjadi tenaga pengajar di Universiti California Los Angeles, Amerika. Dinobatkan sebagai Guru Besar pengajian Islam di <i>Department of Near Eastern Language and Civilization</i>, Universiti Chicago. Beliau turut memberi kuliah di Universiti lain. Rahman menjadi muslim yang pertama menerima penganugerahan <i>Harold H. Swift Distinguished Service Proffesor/ Medali Giorgio Levi Della Vida</i>. Ini menunjukkan prestasi dalam kerjayanya (Aziz. 2017; Abdul Karim, 2012; Sahid HM, 2011; Vita Fitria, 2011).	Rahman bermukim di Chicago dalam tempoh 18 tahun dan meninggal dunia atas sebab gangguan kesihatan antaranya kencing manis dan serangan jantung pada 26 Julai 1988 ketika usianya 69 tahun (Aziz. 2017; Harianto. 2016; Idris. 2013; Farida, 2013; Abdul Karim, 2012; Sahid HM, 2011; Vita Fitria, 2011).	
	<th data-bbox="890 616 1425 676">Karya Fazlur Rahman</th>	Karya Fazlur Rahman
	<i>Avicenna's Psychology</i> (1952), <i>Avicenna's De Anima: Being The Psychological Part of Kitab al-Shifa'</i> (1959), <i>Propecy In Islam: Philosophy And Ortodoxy</i> (1958), <i>Islamic Methodology In History</i> (1956), <i>Islam</i> (1966), <i>Philosophy of Mulla Sadra Sirazi</i> (1975), <i>Major Themes of The Qur'an</i> (1980), <i>Islam and Modernity: Transformation of Intellectual Tradition</i> (1982).	

Pemikiran Fazlur Rahman

Pemikiran Fazlur Rahman berbeza dengan tokoh-tokoh kontemporari yang lain. Fazlur Rahman menjadikan al-Quran sebagai rujukan penelitian bagi membangunkan konsep dan metodologi yang ditafsirkan daripada al-Quran. Penulisannya yang bertajuk Pemahaman al-Quran Dengan Konteks Kemodenan merupakan sumbangan pemikiran Fazlur Rahman dalam membangunkan sebuah konsep (Anjar, 2014). Pemikiran Rahman tentang hadis adalah berlandaskan kontroversi yang berlaku di Pakistan serta menunjukkan keadaan kesarjanaan Barat. Sepanjang hayatnya, Rahman berusaha untuk memurnikan kembali Islam dalam rangka menjawab tentangan yang dilontarkan oleh golongan muslim kontemporari khususnya masyarakat Pakistan sendiri. Menurut Farida (2013) pemikiran Rahman ini dilatari dengan beberapa faktor;

- ✳ Berlaku sebuah kontroversi di Pakistan dalam kalangan pemikiran modernis, tradisionalis dan fundamental. Kontroversi berlaku atas sebab ketiga-tiga golongan ini memberikan pandangan tentang definisi Islam di negara Pakistan yang memang bertujuan supaya umat Islam di Pakistan dapat hidup selaras dengan tuntutan Islam.
- ✳ Pengalaman Rahman ketika menetap di Barat jelas menyedarkan dirinya tentang hakikat yang dihadapi oleh golongan Islam dalam arus modenisasi.
- ✳ Pengalaman memegang jawatan penting dalam *Advisory Council of Islamic Ideology* mendorong Rahman untuk lebih menekankan kepada mendefinisikan semula Islam dari sudut pandangan moden khusus bagi negara Pakistan dan dunia Islam secara umumnya.

Rahman menulis dua artikel tentang sunnah dan hadith dalam buku *Islamic Studies* pada bulan Mac dan bulan Jun 1962. Hasil penulisannya itu adalah sebagai tindak balas mengkritik kembali Parwez dengan mempertahankan kesahihan sunnah Nabi. Walau bagaimanapun, pada sisi yang lain Rahman berfikir sama seperti Parwez dari sudut menilai hadith tidak kembali pada Nabi dan menekankan bahawa hadith merupakan tafsiran yang kreatif kepada sunnah Nabi (Taufiq Adnan, 1996). Fazlur Rahman juga menimbulkan kerisauan terhadap keadaan umat Islam yang dilihat cenderung menutup rapat pintu untuk melakukan ijtihad dan mengalami krisis metodologi yang pada akhirnya mengakibatkan Islam tidak lagi responsif terhadap perkembangan zaman.

Dalam waktu yang sama, muncul golongan orientalis yang menimbulkan kekeliruan terhadap maksud sunnah Rasulullah SAW. Seorang orientalis bernama Snouck Hurgronje mendakwa umat Islam sendiri yang menokok tambah sunnah Nabi, sehingga hampir semua hasil pemikiran dan amalan orang Islam dianggap sebagai sunnah Nabi. Goldziher, seorang orientalis mendefinisikan sunnah sebagai amalan yang hidup dalam masyarakat Muslim awal. Hadith hanya perkembangan keagamaan, sejarah dan sosial Islam atau refleksi dari kecenderungan yang muncul suatu komuniti muslim dalam tempoh masa tersebut.

Kesan daripada pemikiran ini, beliau percaya bahawa hadith hanyalah satu kompilasi yang tidak boleh dipercayai secara keseluruhan sebagai sumber ajaran dan perilaku Nabi (Sahid 2011). Mana kala Lammens dan Mongoliuth pula berpendapat sunnah adalah hasil karya orang Arab, sebelum atau selepas kedatangan Islam. Nabi tidak meninggalkan sunnah ataupun hadith dan apa yang diamalkan oleh umat Islam kini hanyalah amalan kebiasaan yang dilakukan oleh orang Arab yang telah dimodifikasikan oleh Quran (Fazlur Rahman, 1979). Malah sunnah Nabi direka oleh umat Islam kerana sunnah mencerminkan kebiasaan tradisional masyarakat yang membentuk tradisi yang hidup (Joseph, 1979). Orientalis pertama yang melakukan kajian tentang hadis adalah Goldziher kemudian disusuli dengan yang lain. Batasan sunnah yang diberikan oleh para orientalis jelas menunjukkan bahawa sunnah itu tidak berhubung dengan Nabi. Melihat kepada fenomena kekeliruan yang berlaku Rahman menawarkan satu metodologi yang sistematik dan komprehensif, khususnya yang berkaitan dengan penggalian terhadap sumber ajaran Islam iaitu al-Quran dan Sunnah.

c) Konsep Sunnah dan *Living Sunnah*

Menurut Fazlur Rahman (1995) sunnah Nabi merupakan satu konsep yang sah dan operatif sejak awal kedatangan Islam lagi. Beliau sendiri mengakui bahawa di dalam al-Quran tiada istilah sunnah yang merujuk kepada penambahan tentang Nabi namun demikian, konsep sunnah menurutnya telah wujud sejak awal kedatangan Islam lagi. Kerana terdapat di dalam Quran yang menegaskan bahawa Rasulullah SAW adalah teladan yang baik dan layak untuk diikuti (*uswah hasanah*). Keadaan ini menguatkan lagi pandangan Rahman bahawa umat Islam sejak awal lagi telah memandangkan perilaku Rasulullah SAW sebagai satu konsep.

Fazlur Rahman (1995) juga mendefinisikan sunnah sebagai sesuatu yang ideal dan boleh dicontohi oleh generasi umat Islam masa lalu dengan melihat perilaku Nabi berdasarkan keperluan yang diperolehi. Penafsiran ini berterusan secara progresif meskipun terdapat perbezaan penerimaan setiap tempat. Sunnah dalam pengertian terakhirnya adalah

sebuah amalan yang hidup (*living tradition*) yang wujud dalam *ijma'* Islam, *ijtihad* dari alim ulama dan pendapat dari tokoh-tokoh politik dalam urusan seharian mereka. Jelas bahawa definisi ini adalah sunnah Nabi SAW merupakan perkara yang tinggi martabatnya dan bersumber dari orang yang mempunyai autoriti. Berdasarkan definisi di atas, beliau telah mengkategorikan sunnah sebagai;

- * Sunnah yang ideal adalah sunnah (tradisi amalan) dan hadith (tradisi lisan) muncul dari sumber yang sama.
- * *Living tradition* yang awalnya merupakan sunnah yang ditafsirkan sehingga menjadi amalan hidup masyarakat Islam. Usaha menghidupkan sesuatu amalan itu berkembang dan berlaku tokoh tambah sampingan mengikut tempat dalam kalangan masyarakat Islam tersebut.
- * Kesimpulan yang dapat dirumus dari perkara i dan ii adalah sunnah itu berpegang dengan hadith dan dirumuskan melalui penafsiran. Ia berkembang dan berlaku tokoh tambah dari semasa ke semasa mengikut tempat dan masyarakat Islam itu sendiri.

Menurut Rahman terdapat hubungkait antara sunnah, *ijtihad* dan *ijma'*. Sunnah yang dibawa oleh orang Islam itu adalah sangat dekat dengan sunnah Nabi SAW. Kerana itu Rahman menolak pandangan yang menyatakan amalan umat Islam terdahulu terpisah dari sunnah Nabi SAW. Meskipun harus diakui sebahagian besar kandungan yang terperinci dalam sunnah adalah buatan orang Islam sendiri. Hal ini menunjukkan bahawa masyarakat keseluruhan merasakan perlunya bagi menghidupkan serta menciptakan semula kandungan sunnah. Rahman mempunyai sudut pandang yang berbeza dalam memahami makna *ijma'*. Baginya *ijma'* hanyalah sebagai *crystallization ijtihad* sahaja. Kerana *ijma'* hanya dicapai melalui pendapat yang berbeza penafsirannya sehingga menjadi sebuah pendapat yang umum.

Kemudian munculnya satu gerakan yang dipelopori oleh Imam *as-Syafie* yang mahu membuat satu garis panduan dan penyatuan *ijtihad* di seluruh dunia Islam. Menurut Rahman (1995) usaha Imam *as-Syafie* itu adalah untuk memurnikan hadith sehingga menyebabkan berlaku percanggahan antara hubungkait sunnah, *ijtihad* dan *ijma'*. Rahman menegaskan bahawa metodologi dalam teologi Islam berdasarkan empat prinsip iaitu; al-Quran, Sunnah, *ijtihad* dan *Ijma'*. Perbahasan akan difokuskan pada Sunnah. Rahman mengakui bahawa Rasulullah SAW adalah utusan yang dihantar oleh Allah SWT (Budi Harianto, 2016). Pemikiran Fazlur Rahman selari dengan Golziher dan Schacht yang mendakwa hadis tidak sepenuhnya datang daripada Rasulullah SAW. Ia adalah proses kreatif para ulama dalam menyampaikan dakwah Nabi SAW. Fazlur Rahman merujuk sunnah itu kepada *Living Tradition* yang melalui fasa pentafsiran sehingga menjadi amalan kebiasaan kaum muslimin (Rohmana, 2015).

Fazlur Rahman juga mendefinisikan sunnah sebagai “*cara yang melanggar*” mengikut terminalogi, beliau meletakkan ia sebagai amalan tradisi dikenali sebagai “*taqrir*” dan “*living sunnah*”. Penakrifan yang dibuat menyerupai pandangan Joseph Schacht. Menurut Schacht, sunnah adalah *living tradition* samada tradisi atau perbuatan itu sendiri telah dipersetujui masyarakat dan berpendapat bahawa konsep ini tidak langsung berkaitan dengan gaya hidup Nabi (Schacht, 1975). Dalam pada itu juga, Fazlur Rahman mengklasifikasikan sunnah kepada

dua kategori iaitu; 1) “*Mutlak Sunnah*” atau disebut “*Nabawi Sunnah*”; 2) “*Ideal Sunnah*”. Apa yang dimaksudkan dengan “*Nabawi Sunnah*” adalah segala perbuatan Nabi, manakala “*Ideal Sunnah*” adalah semua perbuatan dan percakapan Nabi SAW. Ini diakui oleh (Sanusi, 2020) yang mendakwa pemikiran Fazlur Rahman terhadap *Living Sunnah* merujuk kepada amalan ahli Madinah sebelum kedatangan Rasulullah SAW. Apabila Baginda SAW datang, ia berubah menjadi amalan sunnah.

Kesimpulan

Pemikiran Fazlur Rahman tidak sama dengan aliran semasa ulama Islam yang lain terhadap hadis Rasulullah SAW. Fazlur Rahman mempunyai kecenderungan untuk menerima pandangan daripada Golziher dan Schacht berkaitan dengan hadis dan sunnah tidak sepenuhnya datang daripada Rasulullah SAW. Konsep *Living Sunnah* Fazlur Rahman adalah dapatan bagaimana sesebuah hadis itu diadaptasikan dalam kehidupan masyarakat Madinah berbentuk amalan harian (*hadith in daily life*) dan beranggapan bahawa ia tidak mempunyai kaitan langsung dengan Rasulullah SAW. Hasil kajian ini dapat disimpulkan bahawa Fazlur Rahman sendiri tidak sependapat dengan ulama Islam lain yang berpegang kepada hadis adalah sesuatu yang disandarkan kepada Rasulullah SAW melalui aspek percakapan, perbuatan, *taqrir* mahupun sifat fizikal dan rohani baginda SAW. Oleh sebab itu, konsep *Living Sunnah* ini memerlukan satu penilaian semula.

Rujukan

- Abdul Fatah Idris. 2012. Studi Pemikiran Fazlur Rahman Tentang Hadis-Hadis Prediktif Dan Teknis. *Wahana Akademika Jurnal Studi Islam dan Sosial*, 14, 1: 1-22.
- Abdul Fatah Idris. 2013. Penolakan Fazlur Rahman Terhadap Hadis Teknis Pada Hukum Keperdataan. *Jurnal Wacana Hukum Islam dan Kemanusiaan*, 13, 2: 179-197.
- Abdullah, A. K. 2012. Fazlur Rahman. *Research Gates Studies*, 14, 1: 1-6.
- Anjar Nugroho, “*Pembaharuan Pendidikan Islam: Studi atas Pemikiran Fazlur Rahman*”, diakses. 5 November 2014.
- Aziz, N. 2017. Pemikiran Fazlur Rahman tentang Filsafat Pendidikan dalam Islam. *Manarul Qur'an*, 13, 2: 82-93.
- Barbara D. Metcalf. 1993. Living Hadith in the Tablighi Jama'at. *The Journal of Asian Studies*. 52, 3: 584-608.
- Blanche and Durrheim (1999), *Research in Practice*. Cape Town: University of Cape Town Press, h. 17.
- Budi Harianto. 2016. Tawaran Metodologi Fazlur Rahman Dalam Teologi Islam. Kontemplasi: *Jurnal Ilmu-Ilmu Ushuluddin*, 4, 2: 277-298.
- Farida, U. 2015. Studi Pemikiran Fazlur Rahman Tentang Sunnah Dan Hadis. *Addin*, 7, 2: 233-248.
- Fazlur Rahman, *Islam*, (Chichago & London: University of Chicago Press, 1979), 45.

- Fazlur Rahman. 1995. *Islamic Methodology In Islamic History, terj. Membuka Pintu Ijtihad*. Bandung: Pustaka, hlm. 5-7.
- Fink. (1998), *Conducting Research Literature Reviews: From Paper to Internet*. Thousand Oak: Sage, h. 3.
- Fitria, V. (2011). Komparasi Metodologis Konsep Sunnah Menurut Fazlur Rahman dan Muhammad Syahrur (Perspektif Hukum Islam). *Asy-Syir'ah Jurnal Ilmu Syari'ah dan Hukum*, 45, 2: 1335-1356.
- Hujair AH. Sanaky, 2006. Pemikiran Fazlur Rahman Tentang Metodologi Sunnah Dan Hadis [Kajian Buku Islamic Methodology in History]. *Al-Mawarid Edisi XVI*, 256-269.
- Idris, A. (2012). Studi Pemikiran Fazlur Rahman tentang Hadis-Hadis Prediktif dan Teknis (Doctoral dissertation, IAIN Walisongo).
- Joseph Schacht, *The Origins of Muhammadan Jurisprudence* (London: Oxford University Press, 1979), 2-3.
- Muhammad Alfatih Suryadilaga. 2014. Pembacaan Hadis Dalam Perspektif Antropologi. *AL-QALAM Jurnal Kajian Keislaman*. 31, 1: 1-22.
- Musahadi HAM. 2009. *Hermeneutika Hadis-hadis hukum: Mempertimbangkan Gagasan Fazlur Rahman*. Semarang: Walisongo Press. hlm 106.
- Mustafa Karatas. 2005. Fazlurrahman And the Concept Of "Living Sunna". *Ekev Akademi Dergisi Yil*. 9, 25: 123-130.
- Rohmana, J. (2015). Pendekatan Antropologi Dalam Studi Living Hadis Di Indonesia: Sebuah Kajian Awal. *Holistic Al-Hadis*, 1(2), 247-288.
- Sahid HM. 2011. Sejarah Evolusi Sunnah: Studi Pemikiran Fazlur Rahman. *Al-Tahrir*, 11, 173-198.
- Snouck Hurgronje, *Selected Works* (Leiden: E.J. Brill, 1957), 7.
- Taufik Adnan Amal, 1996. *Islam dan Tantangan Modernitas: Studi atas Pemikiran Hukum Fazlur Rahman*. Bandung. hlm, 79.
- Zubaidah, S. 2017. *Pemikiran Fatima Mernissi Tentang Kedudukan Wanita Dalam Islam*.